

温州市图书馆

温州市图书馆

東
阮
續
集

卷四
正卷八

溫州府 函 不 館

溫州市圖書館

東甌續集卷之四

李孝光字季和詳見前集

青天有鵬鷖

青天有鵬鷖一日飛萬里橫絕四海上孤鬼草間死平生精神姿
垂翅當清秋且須養六翮莫使羣鬼愁

過山寺

隔溪茆屋半開扉綠護晴林畫打圍野鹿飲泉山影動幽禽出樹
嘶花飛百年往事回頭換一路斜陽送客歸要識上方何處是鐘
聲隱隱隔烟霏

雨後村行

雨過沙頭落漲痕滿林紅葉白紛紛水平路面高低見風約溪聲
斷續聞老屋無橋橫獨木滄洲欲雁起寒雲殘蘆頭頂花如雪莫



是吟人鬢上分

澤國秋深景物非西風獵獵又吹衣
路行落葉離人去山破寒烟
獨鳥飛潮信到灘推月上隣家停火
候船歸村醪香軟鱸魚美自
笑吟邊貌不肥

苦竹村

籃輿輒輒路高低苦竹村南古峴西
草舍夔菲畱客飯麥田焚棘
斷人蹊花稍春意關禽語石磴霜痕
印虎蹄心自愛閑身尚役好
山何處是真栖

十里

官河十里數家莊石埠門前繫野航
梅月逢庚江雨歇稻花迎午
水風涼橋橫自界村南北候斷難知
里短長倦矣野塘行瘦馬雲
山杳杳復蒼蒼

秋晚別業偶成

平原渺渺路西東，荳葉纒黃柿半紅。
 懶下江潭塘水澗，鼠歸墻屋野田空。
 燒烟不斷經秋早，草露無多徹夜風。
 行過小橋人住處，短籬清曉護畦菘。

古蹟越鄉次舊韻

興來不買剡溪船，疋馬衝寒歎着鞭。
 遠驛水聲殘雪夜，半橋山影夕陽天。
 雁橫雲宕猶千里，春入梅花又一年。
 喚僕更尋前處宿，有詩還和舊時篇。

白沙早程

聽得隣鷄便問程，前途猶有客先登。
 官河半落長橋月，僧塔踈明昨夜燈。
 古渡湖生鷗沒夢，野田風急浪歸滕。
 雁山喜入新詩眼，踏破秋雲最上層。

樂成

萬葉蕭蕭獨厭聽
長江日脚未全晴
豈遣晨曦芽齊白
稻盡秋田孕更青
偶向前村逢斷岬
欲尋古寺傍山行
嫩寒日暮添蕭索
無那新來禁酒亭

辛亥玉川問歸

松菊當年予自栽
故山招我賦歸來
石橋衝曉霜蹄滑
梅路偷晴雪眼開
家在夢中猶未到
春於臘底已先回
關河風景依然在
千古興亡付一杯

丙子泛舟登輿

鷄埒豚穿半榛荆
村北村南感易生
雨過雪消連日凍
湖平水歇下塘聲
鴨啼古樹寒烟濕
人謁荒祠小艇橫
一段鄉情渾漠漠
隔江斜日暗孤城

次晚春韻

燕幙沉沉春晝永，閑敲棋子小闌東。
拍天漲綠連朝雨，滿地殘紅昨夜風。
草際夢回詩有債，柳邊寒薄絮無功。
韶光暗換年年事，莫遣閑愁着鬢中。

東林廢寺

白社寥寥度歲華，客來猶記話分茶。
橋橫山郭前溪路，樹隔厨烟何處家。
官馬放歸門迳草，野僧移去石泉花。
荒原相接多鄰塚，祭掃人歸噪暮鴉。

鄭昂 字處仲號密菴

阻寇

一程還一問，相識亦相疑。
行李時時束，孤蓬處處移。
白鷗依渚靜，寒雨過溪遲。
斜避方無象，吾生未可期。

舟至南塘

纔過南塘驛湖光便可憐漁翁低撒網溪女笑撐船
仙館孤篷頂樵樓五里前兼旬不相見稚子定忻然

閏八月歸故山

負郭曾無二頃田何由辦得買山錢
秋風八月又八月客路一年還
一年鸞鳳俱垂赤霄翅麒麟不受黃金鞭
功名富貴真細事只問平生不問天

棲遲

棲遲以慕王官谷飄泊仍依謝客岩
貧賤誰能從趙孟行藏我已卜巫咸
冥鴻豈解投繯久老馬惟思脫轡嘶
却嘆杜陵生計拙晚將身世托長鏡

感懷

王粲淒涼仍去國杜陵老大竟飄蓬
荊州豈免依劉表蜀道終須謁鄭公
三禮賦成追昔日七哀歌罷起秋風
青青亦有江南草鷓鴣洲邊恨不窮

蓋世英雄嘆已矣百年天地亦悠哉
襄王暮雨歡娛甚武帝秋風感慨來
操筆誰題鸚鵡賦吹笙空憶鳳凰臺
江南楊柳蕭疎甚謾寫平生夜信哀

呈尹古巖

抱甕年來卧漢陰蕭蕭華髮感秋林
柴門賸喜無人到石徑蒼苔一寸深

蹴鞠圖

玉階蹴踏對清光御服睛翻內乳香
日暮晉王隨輦去宮鴉啼月暗春坊

小景

水驛山橋四五里
楓林茅屋兩三家
何人踏雪尋僧去
潮退春船閣暮沙

便面

水邊獨立淡秋思
忽見夕霏天霽開
白鳥不知何處去
青山渾欲渡江來

鄭季明名東行誼見前集

送江陰郡博周元浩歸平陽

君不見蘇秦昔上秦王書
嫂不下機妻不炊
青燈長夜股流血
黃金六印何索索
又不見陶淵明富貴視之鴻毛輕
腰廩不折五斗米
歸來籬菊秋盈盈
周君妙年江海客
幾度吳花醉中摘
蒲帆半幅風颼颼
長嘯一聲江月白
我家亦在蒲海頭
此時春酒濃如油

管
堪憐千里尚飄泊恨不共買東歸舟

越溪

三月雨晴天氣新老夫起整紫綸巾
岼花紅白遠迎棹江燕去來
低傍人冷面誰能憎俗子好山吾得作比隣
明時獨愧才卑拙老大猶為江海臣

西湖圖

三月西湖春似海南峰
吐峰天出雲美人如花坐船上學唱竹枝
人不聞

寄友

愛爾湖邊草堂靜青青竹色照人衣
閑門無事開春酒不營風高柳絮飛

吳荃 字次脩號隱遊瑞安人

牢落

牢落荒村裡春深却似秋林
坳風落葉石罅雨添流
白日渾饒睡
青年總是愁回頭一悵
惻生計未能謀

憶蓬萊

仙山四萬八千丈我嘗獨立
山上頭大鵬東擊滄海水
阿母西下
昆崙丘丹光燦爛射白日
雲氣縹緲成飛樓歸來
畊雲種瑤草足
跡不到三千秋

洞庭秋望

洞庭遙在天之東放歌濯足
秋正中君山倒蘸翠螺濕
湖水直與
銀河通一點兩點沙烏白
千樹萬樹霜葉紅美人娟
娟隔秋水日
極萬里雙飛鴻

圖書

方方一寸青琅玕刻鏤小篆蛟龍蟠等閒蘼取白蛇血聲華照耀
光乾坤黃金鑄出大如斗何用取之懸肘後

杖

枯藤九尺如金蛇黑鱗點綴身上花穿雲日日踏溪路不憚挑錢
來酒家扶持出處隨所遇變化莫逐風雲去

寄遠謠

二十年前嘆別離
襜褕愁着嫁時衣
此身願作双蝴蝶
夜夜從君夢裏飛

墨竹

倚杖看明月
停杯唱竹枝
美人期不至
對影立多時

夜泊

殘夜成舟泊
寒風靜棹謳
鷄鳴茆店曉
螢集稻田秋
出處渾無定

生涯不自謀，乾坤空浩蕩。還似一萍浮。

采菱歌

採菱溪水濱，風吹藕絲裙。桂槳不敢棹，恐把鷓鴣分。

陳元暉字

號屏山永嘉人

山行

短策登臨處，白雲三兩家。溪山增秀麗，談笑咀英華。興盡苦啼鴉，春歸怨落花。主人有珍味，笋蕨正抽芽。

林正字浩淵號一齋平陽人元卿四世孫有漁隱集藏于家

遣興

黃金難買老，自咲鬢毛皤。本分且如此，明時可奈何。攻吟詩轉少，惜醉事還多。寒甚溪頭夜，誰能載雪過。

江邊

炎天因偶出四顧欲躋板片雨叫南浦殘雲過別山秋萌苗葉上
春寄藕花間更羨沙頭鳥知機分外閒

寄赤城葉學正

相望江樹遠清夢阻雲津三百里餘路幾重山外人石橋僧拜月
桃洞馬行春已滯劉郎趣秋風渺憶尋

老來

愁殺漁鹽地生涯寄蟻柯春秋將耳順貧病欲家和咲向老來減
言於醉後多黑頭行樂日那更識風波

寄裴雲山

南山高且深竹松帶流水先生廬其中迥若崆峒子雪髮覆雨肩
深悟造化理手註三體詩名滿四海耳時以詩名家亦來質疑似
我本浪得名長掛春風齒乃識先生心非非還是是

謝子通字必達號迂軒永嘉人

謝公樓

南山不與北山連中有雙峰娟一川川水于今半成陸謝公樓閣尚依然

白溪舟中

風約殘雲晚未晴崇朝厭聽打蓮聲白頭野老相邀醉釣得溪魚不識名

昭君

驚心漢月苦難堪墮指邊霜冷未諳萬里哀彈千古恨誰知流韻滿江南

許上之字

永嘉人

和戴奎韻

溪上扁舟載鶴過紅塵回首謗如何晚年丘壑襟期好此日江湖
感慨多狂容空遺鸚鵡賦家人休唱度度歌等閒一笑成踈放倒
着秋衣似敗荷

又

江村十日無來客雨後蒼苔一寸深誰為賡歌彈匣劍自教供具
費羸金夕陰冉冉雲歸屋涼思紛紛月滿林踈散更憐無別事據
床時伴候虫吟

陳虞之字雲翁永嘉人

送別

柳濕征衫曉出關荒城古雪劍花寒西風漠漠龍沙路馬上青山
帶醉看

山水小景

又
寵樓屬閣久無自
凌源破生處深有
待神公開玉局不將
列賦賞世奎鶴鴻
海上扶桑樹大吹洪
頭杓把林高貴功名
皆細事相思也寄
短長吟
梅桂字秉王永嘉人
用韵
晚看江蘋掠岸過
炎暑花多奈何南國
烽烟暫尚急西山爽氣
晚猶多味看詞客開
居賦醉和隣翁擊

讓歌更喜方塘
澗綠淨量於兩
彩荷
古言補和載在
讀後

千年老樹立蒼石三峯兩峯天出雲青溪道士坐船上自按玉簫
人不聞

陳麟字文昭永嘉人

題歸去來圖

飛泉千尺銀河懸孤松石上蒼龍眠四山無數白雲出五株哀柳
當門前萬巾丈人步其下悠然別有山中天

題志巖卷

玉樹當窻照眼明幽人枕石聽秋聲此身不入天家夢白髮青山
酒一盞

劉平叟字

平陽人官至監稅

對奕小景

坐對楸枰日似年湖光如畫柳如烟眼前局面從機巧輸與山林

一着先

題梅

孤根鏤雪春猶淺
老幹封苔荒半開
絕似西湖停棹處
短篷斜過一枝來

廢墓

滿地榛蕪塞墓門
百年翁仲卧雲根
青山銷盡英雄骨
問子孫

林景英

字德芳平陽人元帥府照磨荒隱山

廢觀

羽衣人已化無處
問珠庭春色桃誰種
天香藥自靈片霞飛
絕頂一鶴下青冥
荒蘚空階上猶聞
夜祭星

劍子歌

匣龍夜半忽飛去，猛挾水濤還。故處芙蓉先斷血，寒暄竟濕帶。
天吳淚，誰人手挽銀河水。神工剪下，蚩尤尾，冶金不躍人間靈時。
聽七星自相語，乾坤萬里清塵沙。手持大柄還天家，鴻門健舞好
粗膽。豈信曾經斬白蛇。

喜雨和韻

乾風作意翻遺肥，小兒還變鞭蛇醫。斗酒千金買無處，龍骨却掛
墻西隅。秋郊祭罷，楓林鼓社，鬼不靈。天亦怒，仙官曉拆五湖封。阿
香自洒楊枝水，高羊舞濕，衙城烟晚。田稚綠涼，翩翩行雷道士向
人說。昨霄我去朝三天。

日出入行

朝出扶桑來，莫入虞淵去。胡不緩馳驅，百歲一朝暮。

寄陳莘村

玄冬梅半白先接太丘星雪月往來夢溪山長短亭利名成露草
行止付風萍三十年來友無如老典刑

秋風

颯然何處起水國不成眠觸樹人疑雨開門月在天漁舟移絕浦
雁陣落荒田曉起傷漂蕩蘆花走屋前

言歸

言歸江海上甘向石田畊不愧為斯世能閒過此生地從隣竹占
樹聽野禽爭坐咏風濤外南山盡日橫

林氏菴呈周鍊師

遙跨青田鶴翩翩到此來庭生自家草山有主人梅掃石夜朝斗
雨田秋起雷誰知塵影裏清趣似蓬萊

送友之石龍

一杯涓酒勸詩豪楊柳西風拂去袍行路正當金虎壯登雲不憚
石龍高水縣巖白鷺殘雪日漾溪紅認落桃記取奚囊新得句月
三四幅寄東皋

陳珙字叔向永嘉人登洪武辛亥第

桃花曲

桃樹去時栽桃花今始開花開已結實郎去尤未回種花莫種桃
桃花最情薄纔向東風開又逐東風落

屏風曲

蝶棲石竹銀交關水凝鴨綠玻璃鮮蟠迴六曲抱膏蘭阿環對鏡
擲金錢沈香火暖茱萸烟酒醺館帶新承歡天風吹露屏外寒城
上烏啼楚女眠

湯元善字

平陽人

草堂

懷茲頗有年而執在經始辛勤有屋廬茂密樹桃李雖無車馬喧
僅見兒童喜勗哉王右軍植果在栗里

又

西疇農事畢簪盍良朋多閒居賦潘岳種樹思索駝開軒挹涼月
對酒仍高歌紛紛青雲士富貴終如何

又

僻處海一隅地遠少林麓素練紆清渠橫琴向茆屋趺坐對南山
飽食意自足珍重齋居詩要使百過讀

又

雅愛田園居自願非懦夫庭前種松柏期為歲寒圖方池蔭疎竹
梅月清而癯酒酣枕書卧此樂何可無

林希顏字

平陽夏澤人

釋畊亭

未躬休畊後詩書樂事兼芸香春滿屋燈影夜垂簾野犢眠幽草
山禽下矮簷長憐鹿門叟不似晉陶潛

寄張芳千戶

十年讀書不下榻一日仗劍去從軍固知抱志逾同輩已見論功
策上勲白馬錦衣秋校武紫閣銀燭夜論文相望萬里知何處江
樹微茫隔片雲

柬鄭宜中

瀟灑中書舊省郎歸來兩鬢已秋霜靜看山色開蓬戶醉聽江聲
卧野航詩興每從清興發宦情何似野情長相思後夜知何處明
月蘆花淺水傍

草堂新成

新構茅堂此日成，秋霜忽向鬢邊生。
柴桑正待歸陶令，瓜圃何妨學邵平。
野服便應裁綠芰，農炊更喜得黃精。
無才正合藏丘壑，笑向滄浪自濯纓。

鄭謐字公安永嘉人

舟中偶成

九斗山光拂曙開，西湖水色碧如苔。
錦雲十里荷花蕩，中有漁翁把釣回。

牧牛圖

飽飲長林碧草間，春風牛背穩如山。
一聲短笛斜陽外，如是前村牧牧還。

又

清

草滿前村雲滿笈雨餘牛背夕陽多年來識破邯鄲夢一任臨風
扣角歌

魯時中

題陳元暉屏山卷

好山高列翠芙蓉疑是匡廬第幾峰中有幽人讀周易柴門常情
白雲封

東甌續集卷之五

張天英字義上號石渠永嘉人官

白頰駒

白頰駒天之駟龍之驪騰身溼洼水上與浮雲馳王良造父不敢
御逸氣似欲吞熊羆君不見瑤池遨遊世何補烏江棄擲令人悲
大行之山多路岐白頰駒慎勿輕受黃金羈

畫山水歌

我有山水癖由來好幽栖十年遊雁蕩十年遊會稽或言秦皇昔
時愛仙術驅石下海如鳧鷖洞口誰來斲龍耳驪珠夜照天鷄啼
三峯參差九華老蛟龍鼓浪方壺低醉墨淋漓落吾手咫尺萬里
雲淒淒初疑巨靈擘開翠嶽濕馮夷擊破青玻璃又疑劉阮同行
赤城下漁舟棹入桃花溪對此長歌發幽思便欲着屐來攀躋表

家碧山最奇絕綠羅萬丈綠丹梯昨憶金門拂衣去自種青松與
人齊幾人欲畫畫不到惟有四時雲月可以相招携吾負碧山此
為客何異乎巢由軒冕行塗泥從吾好歸來兮

桃塢吟

客鄉遇寒食因作桃塢遊桃塢年年發春色館娃香逕隨東流羅
敷採桑隔綠水漁童小海歌踏舟三五了鬟不知醜紫花紅花簪
滿頭欲開未開竹傍戶見我白髭陽作羞羞顏微破被人笑自言
此客曾來否側聞郭院語此客寧爾畱太白老元丹丘玉樽錦瑟
春風樓

白雲歌

白雲出千峯飛渡滄海去白下楊花春滿江一夜隨雲化為絮黃
鶴乘之上青天下視蓬萊落何處我作白雲歌勸君一杯酒不見

從龍雲風雨飄零作蒼狗碧山堪栖君好歸富貴於吾亦何有

醉時歌

挹翠樓前秋日清挹翠樓下秋水明海色屏開九峯曉玉樹時作
蛟龍鳴主人愛客勸客醉鳳絃欲語杯先行杯上菊花黃似酒碧
袖雙歌若楊柳白日飛去紅燭來兩兩玉童爭拍手拍手咲風颺
颺初疑蓬島何其瑤池人生百歲不樂何為不願髮再黑但願長
醉如今時

題溪山釣雪圖

隆冬西北雲羣物共衰槁萬雪闕陰崖青松一何好小竹不受風
低回向人掃茆簷化穹廬樹壓珊瑚倒誰將渭水竿移舟入瑤島
此時沙漠天蠶旃命如草復有轅下車夜蹶藍關道哀哀節義軀
何如此溪老溪老謂余言貞心當自保詎知三尺菴功成在華嶺

送張學錄歸柯山

幽人君明月皎皎天壤間
忽醒西堂夢隨舟入柯山
山中古樹影照見鬢毛斑
白兔搗靈藥何時得休閒
兩雨乘鸞女咲舞如花顏
長歌紫雲上仙風安可攀
因之下江浦遺以雙玉環

次韻酬章宜竹

明年五十人今年滿頭雪
所憂國與家中心常惛惛
鴻雁去復來蟾兔盈復缺
胡為宦遊者有此遠相別
妻子望我歸歸時在冬月
松雪上人以墨君見似遂托興而歌之

海水變為酒盡醉蓬萊客
驪龍與翠蛟各飲三千石
衆影行月光雲氣浮天白
仙人久不歸瑤草年年碧

感寓

皎皎碧窓女不顧珠與金
十五弄詞翰二十能鳴琴
彈成鳳凰曲

音響揚北林雖云嫁夫婦未嘗同枕衾良人遠行役賤妾多苦心
明月鑒孤悻白露沾我襟浮雲掩明月對酒不忍斟醜老何足惜
但感無知音傷彼陽臺北逢君進荒淫

病起

出戶見青草始知春意深行行倦復止至此庭樹陰層雲掩朝日
歸鳥思故林節序忽已易徒勞霜鬢侵幸有樽中物為吾解愁襟

送黃仲珙歸松江

幽蘭抱貞姿結根巖谷中先風汎爽葉及此春露濃君子既不異
象草難與同尚為王者香含華待清風撫琴起長嘆曲盡情未終

秋浦送吳錄事之吳中

長思秋浦月今見秋浦人山中讀書屋乃與九華隣當山弄明月
乘彼清溪綸得魚赤金尾騎上龍門津吳頭坐烟艇放魚歌白蘋

多君如李白且盡樽中醇

青山白雲圖

仙人胸有琅琅樹吐作千峯落豪素峯上蒼蒼一尺天峯下雲行
亦無數因憶曾為天帝賓家在白雲深處住白雲如龍飛出山表
亦攀龍躡雲路青山笑人不早歸大笑昔為龍所誤變化無定踪
飛揚為誰故試問古共工何勞不周怒飄飄巢上翁肯受風塵污
安得兩齒屐載我道遙步醉卧青山看白雲勿嗔老子來遲暮

和陳伯良韻代蕩子婦作

美人如花隔秋水翠髮新蟠鳳尾年年花底醉秦宮不是盈盈
花上鬼舞衫血色迎風揮南風北風吹折枝誰憐蕩子婦含曠生
荆扉夜夜望明月曠時山月低男兒未富貴徒勞歌屢多君心叩
月不自見願照若蘭錦中詩妾身如蚕不食葉自然吐出五色絲

兒在正作歲

字字結同心無人為持去夜夢化為蛾尋君不識處隨雲飛過十
二峯夢回日出滄江東中使傳書呼塞鴻少年仙客成老翁請君
歸勸君酒酒如泉杓如斗庭中桂樹青鸞小

松屋

四壁青蘿月長松白鷺巢山風吹葉下添覆一重茆

蘭亭

酒醒風雨濕衣巾曲水荒涼絕莫春簷外蕭蕭脩竹在相逢如見
永和人

廬陵子山秘監

金谷花香弄綠裘鄉雲暖更溫柔客懷不記春深淺卧看桃花
溪上流

太液春深綠水濱後宮爭唱柳枝新黃金不買長門賦醉酒花陰

縣殺人

酬于思容御史

春風三月酒如泉
短履青衫不厭穿
明日吳門聽馬過
休驚林下白雲眠

送山東于憲史

曉月中天絳闕開
一鞭雲影下霜臺
山東父老顏如土
日日田頭望雨來

黃允高 平陽人

村居

幽居無別事
靜裏一乾坤
自掃鷗邊石
誰敲竹外門
落花春水听啼鳥
夕陽村特有清風
至凭闌酒一樽

淨明寺

閉門淮水淨一迳入雲間高樹欲無塔平田却有山鳥啼遊客去
花落定僧閑寂寞棠陰晚孤舟載月還

寓居

借屋城南住清虛枕水涯一橋分驛路兩岫合漁家僮小能供茗
人閑欲種花故園春更早無語怯韶華

鄭氏西莊

偶過幽人宅橋橫一水流書聲自日曉野色豈花秋地僻無喧馬
童閑有卧牛淵明千載上此意亦西疇

冬夜感懷

賓館寒生烟半醒小窗霜月照人明山翁不愛銷金帳一榻梅花
夢自清

何汝樵

元旦

臘盡寒猶厲春來雪未乾
流年憐易失為客敢求安
故里屠蘇酒新年柏葉盤
嗟哉老兄弟誰與共清歡

王份

山居雜咏二十首

扶桑日出曉瞳瞳桃樹花開一線風
黃鳥數聲人未起小窗只在碧雲中

黃綺由來是漢臣高顏隱去紫芝新
誰知鴻鶴高飛日羽翼先成屬此人

紫門掩雨不曾開石逕蒿多少客來
只有林間雙白鳥晚涼溪上自飛回

江上船回唱帽郎聽歌長喜據胡床
等閑濯足清溪尾水落桃花

暖似湯

山居無事聽更籌惟見蟾蜍轉玉球坐到夜涼清不寐笛聲只在水西樓

巖屋高開翠作重雲深瑤草碧成叢只消雨過看圖畫何用移舟入剡中

楠樹青青近石樓春明山色上簾鉤道人醉後眠吹笛長候蟾蜍出海頭

小窗夜靜撲春蟲山合風聲響石鐘投隱不知身是客白雲相伴自從容

見說龍歸滄海頭海天風雨洗清愁柴門不出已十日倚遍溪邊第幾樓

籬邊移菊及春前秋後看花對客筵試問陶潛歸去日有琴何事

却無絃

溪頭雨歇照晴曦
起看溪流一夜渾
幽鳥數聲山樹碧
白雲依舊掩柴門

山南山北野人家
樓上春風吹柳花
餽得吳蚕三百箔
村村細雨響縑車

西家女子碧羅裳
一對螺鬟淡淡粧
年少才郎重回首
風流酷似駱賓王

早起科頭髮不梳
門無俗客稱幽居
閑凭石几脩文字
偶閱仙人相鶴書

竹邊松林避暑時
細泉鳴咽碧淅淅
清風一榻涼生袂
坐看苔花長石脂

野人門巷碧雲連
雲外松聲奏管絃
向晚雨涼持短策
綠陰深處

聽鳴蟬

遠屋青山翠不乾
閒窗多作畫圖看
仙人海上時相過
乞得囊中九轉丹

清狂嗜酒發天和
自笑經年酒病多
莫向樽前問奇字
只須聽取醉時歌

山根茅屋起炊烟
初日曛曛上碧天
野老自知畊稼樂
教兒貰酒不論錢

漫山雪似春花好
草屋蕭蕭只數家
老嫗也能知客意
石窪汲水煮新茶

漫成

天上秋風夕清虛
占廣寒祇應修月戶
折得桂花看

竹齋圖

溪上茆齋幽趣深
石牀飛翠玉成林
山行白日看龍化
路入青雲聽鳳吟
清影墮杯傾碧酒
秋聲遠屋亂琴
十年征袂雙蓬鬢
容即披圖思不禁

送葉山人

天台山中春正好
早約扁舟獨自歸
白屋高眠無俗客
青囊閑檢識深機
山雲出谷不成雨
溪鳥避人長遠飛
我欲相從問劉阮
謾携藜杖叩巖扉

次戴文祥歸田韻五首

歸卧蕭齋老此生
懶將心事訪君平
投閒自覺襟懷好
傲世惟知袞冕輕
雨過滄江雲樹密
日高青嶂石窓明
十年結得漁樵約
似向林泉太有情

不向燕然問勒銘
獨携短策扣林扃
避人好鳥衝風去
隔水青山

照眼明詞翰有時題負版釣絲何處拂蜻蜓忘機復得閒中趣款
枕西窓夢未醒

浣花溪上下居成投老應魚吏隱名每向樽前搔短髮不隨年少
請長纓竹間採藥青猿出石上調笙紫鳳鳴為愛高標無俗韻四
時風物有餘清

野迳逶迤度石橋娟娟脩竹翠旌搖踈籬曉吠眠雲犬高樹寒鳴
泣露蛸袖拂琴絲畱客奏香縈銅篆隔窓飄歸來陶令多清事更
向春前種菊苗

老去幽栖還自適詩成應遣和羊何到家杖屨登臨遍回首江湖
感慨多草閣正紅蘭葉佩水鄉頻聽竹枝歌絕憐門巷塵囂隔有
客常從醉碧荷

山中感懷二首

別去山中不記年故人相見思依然
蓬萊弱水猶清淺滄海桑田幾變遷
天上鳳麟方出世雲間鸚鵡自成仙
龐公豈解終高隱投老仍畊硯首田

山房清占白雲多淡路灣灣少客過
風定小窗飛野馬雨深幽谷長金鷺
文書入夜寒藜照短褐衝寒扣角歌
天下只今開玉局欲憑青鳥問如何

寄兒

江上冥冥雨似烟鶴鴒飛急渚沙圓
十年書劍裘老萬里兵戈羽檄傳
阮籍途窮空自嘆馮贖貧甚復誰憐
天南天北雙蓬鬢漂泊還同不繫船

陳高字子上行誼見前集

坐嘆

坐嘆黃昏後，愁添白髮新。清宵誰共語，明月自相親。江海成何事，乾坤只此身。故鄉無信息，歸計尚因循。

避地永嘉

春來日日起，西風吹起浮雲過。海東花落名園芳，草滿燕歸華屋故。巢空陶潛解綬閑，居久王粲登樓作賦工。舊日交游多白首，時相見，惻途窮。

得子

得子雖云晚，開懷却自今。敢誇萬事足，聊慰一生心。襁褓看深長，箕裘屬望深。家貧湯餅具，惟有典瑤琴。

寫懷

經世無榮歸田且，避喧干戈隨處有。故舊幾人存，市藥扶衰病。持杯慰弟昆，不因來往客。終日閉柴門。

征婦怨

征夫出門時兩臉淚垂垂把酒勸夫飲執手問歸期歸期今已過
更無消息歸明朝倚樓望惟有雁南飛

商婦怨

嫁夫嫁商賈重利不重恩三年南海去寄信無回言妾身為婦人
不敢出閨門縫衣待君歸請君看淚痕

白苧詞

美人裁白苧製為身上衣塵垢不容汙霜雪映冰肌

又

綺羅非不貴隨時變顏色爭如白苧衣着破然猶白

白頭翁

試聽白頭吟設飲樽中酒古來悲白頭人情苦難久結髮為夫妻

百年期容顏衰落相棄捐何況君臣與朋友漢高寬大主蕭何開
國功讒言一以入幾死天獄中陳餘與張耳刎頸同生死一朝爭
相印仇讐世無比周文呂望不再見管鮑結交寧復聞玄德孔明
若魚水膠漆孰云雷與陳斯人自此亦已少今世求之更無有談
笑動干戈那能托身後聽我歌歌白頭勸君飲君莫愁日月有時
而剝蝕世態誰能終不易

山中讀書圖

遠山如蓋近山綠前門多松後門竹幽人讀書坐石根有客挈舟
過溪曲白雲冉冉落虛白清風泠泠散飛瀑林泉深處隔紅塵便
欲相依結茅屋

啄木鳥

啄木鳥啄樹枝頭紅如血口如錐終日啄木長苦肌木心蠹虫如

不啄天生爾禽復何為吁嗟乎啄木鳥佳木蠹盡不知

高明

字則誠號柔克瑞安人元至正進士為處州錄事有柔克齋集

宿先公房曉起偶成

曉雨池上來微風動寒綠幽人睡初起開窗見脩竹西山帶曾雲
隱隱出林木境寂塵自空慮澹趣常足獨坐無晤言流泉下深谷

夏夜獨坐簡胡無逸

夜靜坐前軒明月方皎皎大火既西行涼風在木杪庭際促織鳴
涼露下芳草緬懷羈旅人重感歲時老安得躋空同一問廣成道
夜久群動息境寂無炎蒸涼飈散浮雲惟見河漢明緬懷塵紛勞
喜際夜氣清安得舍所趨白日澹無營仰看斗柄移耿耿低玉繩
天運亦有常吾生何時宜

楊季常約至山中既而不果因以詩寄

仙人海上來，駕言遊蒼冥。乃逢浮丘伯，駐之紫霞城。鳳皇不可招，梧桐何青青。焉知碧山月，期子待吹笙。

二

天寒木葉下，短景淒其清。幽居有所思，振衣臨廣庭。仰觀冥鴻飛，竟與浮雲迎。悵望不可見，空山莫雨生。

三

秋菊有餘色，可以慰幽情。豈無一樽酒，泛此黃金英。美人久不來，歲晏霜露零。坐感芳草歇，佳期悵未能。

題蘭

美人在空谷，娟娟抱幽芳。長林自荆棘，安能蔽馨蕪。借君水蒼玉，與我紉佩纒。願結蘿人交，歲晚無相忘。

賦幽慵齋

惜
閑門春草長荒庭積雨餘青苔無人掃永日謝軒車清風忽南來
吹墮几上書夢覺聞啼鳥雲山滿吾廬安得嵇中散尊酒相與娛

送張從善

四海張公子才華重縉紳蚤從樞府辟已喪屬車塵通籍職清禁
巖更列近臣周廬金帳曉巖室玉墀春馬潼桐官酒熊賜少府珍
青冥多雨露黃道煥星辰往事疑皆夢浮名笑此身馮唐雖磊落
顏駟竟逡巡歲月黃塵老關河白髮新還家見江拯舉事識陳遵
春水桃花鯁西風笠澤葦扁舟五湖客陽羨一歸人我借交遊晚
相期意氣真冥鴻何杳杳斥鷃自蹉跎斜日橫江路寒雲隔水濱
何時謀一壑卜築願相親

題明妃出塞圖

竟寧閼氏出塞城鼙鼓聲斷淒龍庭邊雲竟與漢月隔望草空作

春風青漢庭公卿無遠舉却遣嬌姿嫁夷虜豈知劉龔與楊樊復
把丹青悞人主當時國計不足論佳人失節尤可歎一從雕陶莫
舉立回首不忿稽侯緡綱常紊亂一至此千載玉顏猶可恥蛾眉
倘不嫁單于滅火安知非此水良工妙畫不必觀勿因一女譏漢
元宮闈制馭苟失道肘腋變起非一端君不見玉環自被胡雛污
豈是丹青解相誤

桶底圖歌

方壺圓嶠溟海東金銀樓閣靈芝宮三千水弱不可度雪浪自與
銀河通甜波倒浸琪樹碧水岷歷斷珊瑚紅我昔馭氣行鴻濛從
以瓊輿挾神公下尋麟洲踏瑤草大扣石室呼喬松釣竿忽引六
鰲脚牽連蟲負搖崦巖洪濤歎蕩山欲碎老鴉飛去搏桑空九原
丈人恠狡獪謫我塵世栖樊籠別來無書寄青鳥碧桃開落千春

風公從何處覩此本天木備盡雕鏤三湯盤孔鳥浪自古昆崙玄
圓能無同僵顛鄭處走祈岳再拜不敢窺神功恍然頓醒昔遊夢
已覺思入寥天中琳姬玉女想不遠似牽襟佩飄玲瓏波濤若動
雲欲起玉笙吹曲來青童手持竹葉招我去片飈直造三神峯

西湖萬嶺瑪瑙寺僧芳洲有古琴二三名石上枯一名絃賓

鐵為賦詩二首

萬仙嶺上瞿曇宮老僧雪眉覆雙瞳奇琴久蓄歎識古云是陵零
水邊石上之枯桐憶昔蛟龍宅其湫霹靂斬龍樹亦死道人作琴
傍水彈幾夜湘江泣帝子迓來居我瑪瑙坡聲價壓倒伽陀羅嵇
心羊體妙相得有耳不聽西湖歌松窓茶屋夢初醒別鶴淒淒怨

烟嶺隔水通仙夜不眠聽盡梅花山月影

師琴名以絃賓鐵豈是七絃專一律古來聲律高與宮一百四十

四調始於一又韋古錢能解音何況聖人所作之雅琴琵琶纔聞
錢自躍萬物豈不通琴心憶昔重華為民鼓拂拂薰風吹下土九
官珮玉和鏗鏘鳳皇來儀百獸舞無情相感若有情蜀山欲破銅
先鳴從今却笑陶淵明胡為不取弦中聲禪闔萬竹淨塵垢月出
西湖照白牖此時請師為鼓一再行試聽還有錢聲否

題畫

秋山積雨清浮埃曉日照耀金銀閣草堂陰深冷竹樹石梁滑澆
歌莓苔千峰蒼翠淨如拭白雲不放楓葉赤何人艇子出清江水
落山高如赤辟昨夜天寒霜露零山人不歸猿鶴驚孤松三逕依
在僮僕正逕陶淵明

題畫龍

何人呪縮昆明水一夜溪邊紅葉起銀河捲上洞庭峰橘樹寒烟

秋色裏恍如陵陽實子明又疑句曲茅初成淋漓元氣無青冥馬
鬃搖動天瓢傾乾坤萬里蘇早暘草木無言生意悅歸來高卧碧
潭雲獨抱神珠弄明月

題畫虎

秦宮紫玉忽變神似來尋陽訪石人黃公赤刀制不得吼怒驚倒
襄將軍固知兩脅橫乙骨莫令雙耳多生缺黃蘆風紫殺氣寒嘯
聲撼動岷山月山空月冷不可畱人間苛政皆爾倚品蹶亦欲渡
河去劉昆宋均今有否

題蕭翼賺蘭亭圖

容舟夜液中冷水空山不見羲之鬼驪珠飛去龍亦驚月落空梁
僧獨起銀鈎繭紙歸長安蓬萊宮裏人爭看一朝風雨暗圍殿玉
柙槌碎昭陵寒龍眠畫手元暉筆當時曾咲蕭郎失至今二子亦

何在夕與蘭亭共蕪没人
生萬事空浮漚走舸復
壁皆堪差不如
煮茗卧禪榻笑看門外
長江流

白紵篇送顧仲明

吳中二八深閨女生來不學唱
金縷織素手青燈前織得寒機
成白紵裁縫熨貼為君衣
春天衣著生光輝明珠為瑤壁
為佩同此素色無相違
一朝送君江上別歲晚關河積
風雪生知白紵不勝寒
但喜君身常皎潔君不見東隣少婦織錦工織作步障圍春風
春風一去花草歇金谷寒蛩怨秋月何如潔白長相守尊中有酒
為君壽人生溫飽不足多莫羨東家著綺羅

吳中會宋行之庫使時貢金吐工

樓船曉泊蘇臺下官舍梅花暖欲開
千里關河同客思一川風雨送離杯
黃金壓馬日邊去綠樹迎人天際來
後夜思君望天北使

星應合近三台

寄月彥明省郎

搖落關河萬木空，征蓬日暮感飄蓬。
天寒為客吳江上，夜雨讀書山寺中。
伯樂何時過冀北，楊雄謾自賦河東。
黃塵冉冉貂裘老，殊媿南隣桑苧翁。

送朱子昭赴都

西陵湖落船初發，念子辭家去覓官。
直欲持書上先範，不妨賣藥過邯鄲。
黃河雪消水亂走，紫禁花濃春尚寒。
如此江山足行樂，莫將塵土污儒冠。

寄屠彥德并東倪元鎮

水驛燈明漸掩扉，雨中何處暮山微。
蕭蕭落木征帆過，漠漠長河一雁歸。
歲晚仲宣猶在旅，年來伯玉自知非。
久拚華髮添青鏡，未

許濁塵上素衣

故人今作祗陀客想見天寒尚倚樓
江海莫雲多舊友關河夜雨
有孤舟桓榮學業仍稽古李廣才名未得侯
何似雲林倪處士焚香清坐澹忘憂

送蘇伯脩叅政之京兆尹任

日月垂光照海濱東南聲價屬儒臣
九天雨露金甌重萬里山河
玉燭新田楚年豐催貢賦江湖秋靜息風塵
此行宣室須前席勝有嘉謨為上陳

林東愚

秋興

落日江城動鼓鼙故山千里轉遙迤
謝安舊宅空陳迹尼父餘風
異昔時首著秋高戎馬健海門日短雁書遲
客憲兀對黃昏坐雲

漢悠悠起暮思

林子森

夜泊偶成

月色比江水灘聲似海濤西風終夜發北極與天高匣吼新磨劍
囊盛舊賜袍叨思媿無補行役敢辭勞

鎮遠道中

行盡荒林晚未休鷓鴣聲斷碧山秋
逢人為問前程路九十長亭是貴州

東甌續集卷之六

續後集

李應期

字均鏡號取菴又號蒲翁瑞安人
譯存作李應期

寄趙太虛

仙人隔滄溟手弄青桐枝身披赤鶴裘脚踏銀蟾蜍因我遠別離
贈以雙紫芝光輝照落日馨香被鬢眉再拜謝仙人願結蓬萊期

淵明圖

吾聞靖節翁不尚名與利山童酒一壺中有千古意畫工寫丹青
不寫酒中趣東籬有秋色南山有佳氣長歌歸去來陶然北窓睡
寄朱彥明

我向鹿巖成小隱君從浦口駐蘭橈華池水暖生金薤靈谷雲深
長玉苗江上懷人春載酒花間畱客夜吹簫自慚世道渾無補雪
鬢霜髯已半彫

詩存作李應期

鑑湖秋色

千秋觀前風日美綠樹籠寒隔烟渚
亭蘿仙子開寶奩露出青銅
三百里芙蓉落盡新粧面
露柳烟蕪結深怨珍重當時賀季真詩
思年來更清悅

寫懷

露下芙蓉偏有恨風前楊柳太無情
自憐不及王孫草水北原南
任意生

小齋

蛛網掛空山雨晴溪頭水暖釣竿輕
小齋無人白日靜卧聽隔林
雙鳥鳴

偶成

長洲宮苑日初曛越女盈盈玉雪新
脂粉不施猶自好却憐多少

效顰人

寄吳彥升

積雨連朝過客稀
亂紅墮地綠陰肥
江南祇是歸畊好
水遠孤村燕子飛

惜春

一宵風雨送韶光
愁殺嬉遊馬上郎
鳳鳥不來梧實老
滿園蝴蝶菜花黃

僧益侑 永嘉人

閑居偶成

亂山深處卜幽栖
獨木為橋渡小溪
春雨桃開憶阮晚
山巖長暮羨齊尋詩
偶過石梁址待月
還思天柱西
為問昔人成底事
十年騎馬聽朝鷄

人間紅日易西斜機巧施為且莫誇剖出無瑕方是玉盡成有足
即非蛇拳伸夜雨青林蔽心吐春風碧樹花世念一毫消不盡功
名捷速在烟霞

白雲堆裏埋頭久地老天荒總不知樵逕有霜尋藥冷石自無月
了經邊青嶽北海憐蘇武黃火東門歎李斯萬古青編在天下流
芳遺臭更尤誰

千載繁華一彈指區區朝暮欲何為黃金百鎰有時盡白髮一莖
無藥醫蕉下謾勞尋斃鹿海中誰解接盲龜西風入夜天如洗人
在南柯夢正癡

人生不滿一百歲今是昨非無定名天下自來輕兩臂世間何事
重連城龍亡大澤羣鯁侮史盡平原走狗烹一曲紫芝眠白石何
須特地憶初平

即今休去便休去何事却求身後名世亂孫吳謀略展才高屈賈
是非生溝中斷未千年恨海上浮槎萬里情誰識孤禪涼月夜松
根一片石床平

一瓢飲澗碧雲涼老桂吹香滿石床未熟黃梁猶是夢偶觀青鏡
自生狂人無靈知方逝謗物有奇材始受傷手拍長松發長嘯戰
爭三月火咸陽

步步躋雲入翠微剪藤就樹結茆茨道存顏卷一瓢藥力盡楚歌
千古悲平地起波方是險連雲作棧未為危此生自許無他計長
與青山綠水期

一迳欹斜住蘆蓬半羅紅粟倩溪春山中有客見真虎世上何人
識卧龍秋竹萌芽穿斷石老藤行蔓上枯松晚風斷送雲歸盡聽
得原西寺裏鐘

亂峯環壁不知重殘日蒸霞映岳紅數有廢興秦失鹿物無得喪
楚亡弓虛名萬事雪填井幻影百年繩繫風回首天台舊遊地倚
松看瀑石橋東

陳彥卿

古節婦吟

結髮常恨遲離別一何早感君一日思思君千里道下山采葵藿
上山采靡蕪靡蕪妾自佩葵藿將寄夫

輓轆怨

汲井汲井水深露冷羅袖半濕引長綆誰言妾貧賤明珠長遠身
誰言妾孤苦寒影長相親妾情如輪轉日夜無停軸郎情若斷綆
一去那可續井水深尚可測人心對面千里隔

關山月

關山月不常滿戰骨如山秋草短年年雁門戎及期恒不返鴻雁
如雲來邊人音信遠妾心甘如月影孤郎心當學月輪轉關山月
妾腸斷

長夜曲

寒月無光衆星小霜花照人夜如曉雁聲墮地天茫茫拔劍四顧
心飛揚荒鷄一鳴天欲旦妻子牽衣勸加飯

次王伯宏山長赴金陵

掛席南風萬里遙故山高隱復誰招虛名已信如朝露離恨難堪
逐暮潮玉樹歌殘春寂寂鳳臺人去夜寥寥興亡自古如塵土不
用登臨吊六朝

次陳子尚感懷韻

江海漁翁何處尋扁舟十載棄朝簪風塵空改雙蓬鬢鐵石誰知

九死心南紀雨晴妖殺合中州春暖慶雲深艱難好建安邊榮莫
學新亭淚滿襟

夜集得柯字

客裏看明月秋來愁更多故人有美酒今夕且高歌移席連榕影
班荆坐石坡醉來忘夜久白露滿庭柯

章惟初

平陽人

明遠樓為吳子中賦

樓居突層霄回閣俯八極蓬萊與崑崙蒼翠在几席延陵公子瀛
洲客日日凭闌看秋色浮埃滅盡月輪孤萬里茫茫海天碧

梅頤

字昌官

年號廷庵永嘉人以明經薦任都昌主簿遷夔州判

秋興

十年贏得鬢蕭蕭萬里歸來一布袍只欲求閑消暮齒可能謀利

計秋毫芙蓉露冷蛩聲切葭莢霜寒雁影高安得盡携妻子去碧
山深處聽松濤

四時詞

蕭疎竹樹與蒼齋淺淡桃花隔小溪
絲竹已隨春夢斷綠陰深處聽鶯啼

松下桃笙酒半醒石根流水碧
泠泠片雲將雨函前過分得新涼入研屏

黃葉蕭蕭獨掩關屏風小幅畫江山
酒醒夢入湘雲去不啻秋聲在樹間

一曲樽前喚翠娥笑攀琪樹玉枝珂
熏籠熾炭醺諭煖不覺寒威入夜多

看山

江上青山不易看，道人心迹本清寒。也知不入時人目，自取瑤琴對月彈。

陳允和 平陽人

小景

水天一色磨青銅，湘簾半捲來香風。池亭六月不知暑，碧筒勸酒
程程紅。人生得意須盡樂，此處清涼勝河朔。碧簫聲斷彩雲飛，坐
待水輪生海□。

牧牛圖

一生不慕五穀皮，扣角不向南山悲。烟蓑雨笠各自持，所遶水際
長相隨。平坡細草青青短，睡起不知紅日晚。歸來飽飯向柴門，世
事興亡都不管。君不見高車駟馬多憂危，慎勿執此雙童兒。

林詢

字復言，號白庵，永嘉人。

題蘭

幽居種荷蘭叢生滿階庭
英英異凡卉春夏常青青
白露被高潔天風送微馨
采采綴佩纓中心感幽貞
婉孌桃李花灼灼含春榮
終然一娛目臭味難合并

夏夜

微風動林杪涼月透羅幃
幽人不能寐攬衣步前墀
墀前列佳木綠葉含素輝
上有羣鳥集儕匹相因依
莎鷄草根鳴踈螢度林扉
物情各自適巨細無或遺
嗟予處熒獨惻惻恒苦饑
連年厭征役陡覺筋力疲
干戈尚滿眼風塵暗旌旗
使仰宇宙間歎息將安歸

古詩

團團青銅鏡皎皎懸高堂
妍媸不容掩妖魅何由藏
云胡日未久遽爾易其常
浮埃黷如漆夢然滅清光
猶如暗中窺不復辯毫芒

何當重拂拭，再觀百鍊鋼。物態固如是，令人重心傷。

徐宗起

平陽人中洪武壬子鄉舉授本郡學校教授

釣魚圖

雨餘崖木潤，水滿溪魚肥。但知隱居樂，豈憂生事微。安羅之國，漢海東梯航罕，與中華通傳聞。

聖人制六合，摠識効我來。朝宗萬物充，庭盛筐篚大。貝南金誇侈，靡爰其獸兮。獲且馴狀類，獐獐更奇詭。金天孕質毛，色純皎如霜。雪無纖塵目，烟流星鼻截。玉尾搖素練，長於身。按圖考載籍，是名為果然。茲物於世不恒有，鍾繇詞賦徒虛傳。

聖人德澤洽萬類，喙息改行恣生遂。白象鸚鵡造獻祥，赤兒黃犀豈能媲。神獸之出當明時，道邦亦足增先輝。吾

君聖德宣寶物，但願遐邇皆雍熙。

寬按此首係黃淮果
然詩以下皆黃淮作此
間有脫無遂致合

十字多是注辭

送符中書省覲還海南

鳳凰池上客拜別忽南還
驛路秋風裏親庭瘴海邊
宮衣深雨露征旆拂雲烟
萬里從茲別相期又隔年

送山東盛布政告老還鄉

分鎮新承寵投簪即賦歸
功名雙鬢改事業半生違
春水迴蘭棹山雲護竹扉
靜中應有趣俯仰澹忘機

竹石

珊瑚凝霧濕翠袖倚雲寒
一段瀟湘意扁舟帶雨看

虹見感而有作

連日陰晴戰未降
晚看虹復射西窓
農人憂旱仍憂雨
安得均調溥萬邦

閔雨

淫雨連朝未肯休
早禾狼籍未全收
憑誰借我黃金彈
彈殺林間逐婦鳩

題長占烟波圖

家住東吳第幾洲
釣船長並五湖遊
此身自得閑中趣
一任時人咲直鉤

題四景山水

曉起軒窗面面開
亂紅如雨洒蒼苔
呼童淨掃林間路
有客湖南載酒來

江上群峯擁翠蓮
江頭喬木散晴烟
推篷坐看飛流下
詩思清如孟浩然

吳子莊

平陽人

小景

黃塵烏帽五門西，萬里風雲入馬蹄。
頭白歸來春夢醒，綠陰深處聽鶯啼。

杖藜日日看芝山，山下浮雲共往還。
昨夜小溪新水漲，釣絲流向寺前灣。

古木脩篁

帝子乘龍去不還，空餘翠袖倚琅玕。
道傍老樹如人立，影落湘江秋水寒。

潘文奎 字景昭 號愚莊 永嘉人 登進士 官至湖廣叅議

元宵觀燈應制

天上螯峰擁翠華，六龍扶日度雲車。
祥光屢獻豐年瑞，寶炬咸開午夜花。
西匝笙歌諧紫鳳，團團雲錦燭明霞。
教坊又進昇平曲，天

下車書正一家

雪航為趙敷諭題

數椽結構與舟同，淺渚蘆花著短篷。
放浪似遊瓊島外，長歌如在
水雲中。道行不動，乘桴興
年，老猶懷濟世功。幾度
凭闌發清嘯，却
疑身在廣寒宮。

雪窩為苗修謨題

一從草制入金鑾，遠舍梅花夢裏看。
雲母屏開春似海，水晶簾捲
畫生寒。寫真賴有湯楊筆，題
咏誰登李杜壇。香影一聯吟
未足，不
知新月上闌干。

趙尚睦墨竹

帝子遊仙去不還，杜鵑聲裏淚班班。
九疑雲暗迷芳躅，風起猶聞
響珮環。

尚睦山水

樓閣凌虛敞參差倚碧岑小橋流水遠幽迳落花深步屐隨春色
緣崖坐夕陰徘徊不知晚風露濕衣襟

送孫登吉下第

霜蹄暫蹶莫辭難折柳京華春又闌炫目競誇新蜀錦聲牙誰識
古殷盤流光過眼須頻惜樽酒逢人且莫歡上國年年花似錦着
鞭須待再來看

秋月歌

清飈颯颯流金商廣寒桂子吹天香疎桐滿地散金影沆瀣浮空
生夜涼金波穆穆湛清鏡光射林鳥栖未定蕪樓雁渡漏聲寒莎
草蛩鳴人語靜美人危坐冰壺中宛如秋水開芙蓉文章五彩絢
丹鳳劍光三天飛青龍湖海經年不相見見月猶如見君面今宵
人月兩團圓一笑相逢諧夙願開樽再勸金叵羅慙慙索賦明月

團團有時缺，人生會少離。別多後夜，涓涓秋水隔。翹首天南望，天北青綾夢。破楚江深，落月空梁，正相憶。

陳仲能 平陽人

織布謠

柴門半掩風淅淅，破屋寒生四無壁。老妻呵手拈寒梭，凍絲零落那能織。一梭一斷還一泣，織到殘更不盈尺。布成早得官債償，豈使兒曹無飯喫。

釣翁歎

江頭風起波揚瀾，老龍不飛江水寒。大兒鼓柁小揚帆，輕舟棹入波濤間。得魚沽酒且莫歡，鰲魚賣錢先輸官。兩隣老翁課不完，連遭刑法良可歎。

陳輔卿 平陽人

遊雲巖寺

古木栖雲寺遠山老僧跌坐白雲間
烟霞有路時通屐鷄犬無聲
畫掩關泉下碧潭春澌澌花飄紅雨
曉斑斑我來偶爾聞清梵乘
興何妨數往還

劉現字朝紳永嘉人官至編脩

答滿景昭用韻

伏枕心逾苦逢君眼倍明
百年貧有分半世業無成
久羨文章手終蜚館閣聲
暮雲春樹隔千里重關情

江心送別

我愛中川勝常思一韋通潮聲喧萬馬
塔影浸雙龍江濶涵秋月
雲深隱暮鐘送君成遠別鄉思逐飛鴻

次兄述懷韻

門巷陰綠轉濃此身猶困寂寥中黑頭每為詩添白病頰惟憑
酒暈紅孤枕鳥啼三月雨空夜花落五更風垂憐賴有吾兄在骨
肉由來一氣同

楊景衡號三山道人福建泰

竹林深處圖為劉中舍題

鷓鴣啼歇山雨晴湘筠翠滴寒烟平萬玉蕭蕭風在戶露香墮地
春冥冥月明如霜夜方永瓊漏無聲酒初醒林深不禁秋思多丹
鳳歸來碧雲冷

九日

雨裏重陽倍憶家故園久負看黃花光陰荏苒蕪葑老骨肉東西
鬢髮華貧未授衣更白苧狂因醉酒落烏紗鄉山四萬八千丈天
畔小樓登望賒

周詢字子問號退翁永嘉人

題瓜菓

道人惟木食不識大官羊客至羅瓜菓淡然風味長

題畫

長江山頭楓樹林林中茆屋閉春陰脩琴賣藥不歸去白雲滿地
蒼苔深

題菜

此色不可有此味不可無端居思古人撫事成長吁菜園一踏破
誰復念其初世間有鄙夫宜復觀斯圖

題蘭竹

托根未得所荆棘乃同林不有此君子誰能知我心山川澧浦靜
風雨湘江深惻惻抱芳意緜佩何由尋

題青田謝知縣廉仁卷

高卧東山不計年，起携琴鶴下芝田。
四知暮夜渾無愧，百里陽春釋倒懸。
虛空塵埃生瓦甃，閑塔風日靜蒲鞭。
石門山水還依舊，康樂詩成又幾篇。

題大年畫

織蕤吐艷胭脂暖，瑤草風暝綠芽短。
幽禽踏動珊瑚枝，一聲啼破春光滿。
張敞畫眉新樣清，顧影自愛黃金鋪。
竹花不實零露曉，日斷孤鳳雲冥冥。

林學正陶峰書屋

問訊先生舊日廬，別來幽事近何如。
娟娟竹色連苔靜，淡淡烟光隔樹疎。
萬軸牙籤雲氣濕，一窗燈火雨涼初。
男兒讀書期致用，不學山中陶隱居。

海棠黃鶯

金衣公子踏彩雲依稀夢入陽臺春銀燭高燒芳夜短綵紗帳挾
東風暖嚶嚶曾聞未友聲于飛猶愛沉香亭邊喬出谷能忘情

題經舍齋

氣作耕牛志作鞭聖經賢傳摠良田力勤但使無虛日收穫當期
大有年學稼奚容樊氏請耜苗無若宋人禁從來說食難充腹實
地工夫尚勉旃

牛圖

平原蕩蕩春日暹春草沃露凝如脂劉氏牡丹天下奇花開不受
春風吹行行坐賞娛羣癡手弄鸚鵡忘朝飢南山白石長離離長
夜漫漫歌者誰世間何物黃金羈

題張師夔所作木石圖為滿行人賦

珊瑚出海枝撐空老蛟扶石雲玲瓏鮫綃古色生莽蒼雙眸欲挂
寒梢東張公昔年宦南服揮毫尺素如尺玉何從得此秋一幅蕭
颯陰風動林屋請看屈鐵苔蘚株輪囷豈比莊生樗萬牛回首不
易致明堂梁棟今當需

鮑恒字宗久號雲石樂清人

冬夜客館偶成

偶宿山家薜荔房酸風冽冽夜蒼蒼幽人不厭食如鐵贏得梅花
入夢香

又

蕭蕭孤館四無隣霜氣稜稜徹布衲僵卧不知山月上一林松影
護吟身

曹睦字

瑞安人秦府伴讀

古鼎為胡內翰題

茫茫休問幾春秋，欵制空從上古求。
足立似分吳蜀魏，篆昏難辨夏商周。
塵埋科斗朱珽淺，土蝕銅花綵點浮。
珍重不殊清廟器，會須拂拭獻宸旒。

宸旒

陳肇字光言永嘉人中解元登進士授知縣

暮春感懷

載酒歡遊事已非，江頭春色漸霏微。
畱人橋燕呢喃語，度水楊花撩亂飛。
以客每憐時節換，故園無奈信音稀。
輕舟未解沙頭纜，愁倚孤篷對夕暉。

戴時雨字伯時號錦舟永嘉人由舉人任訓導

次韻答林鎮東

別君歸去情偏惡，強自高歌託醉狂。
問訊行舟來合水，起瞻初日候東方。
阮生豈為窮途哭，蔣詡應憐晚徑荒。
有約重尋松下路，短簫吹月據胡床。

九日

盈盈白玉舟，粲粲黃金藥。休問此何時，重陽今日是。

趙詵

字尚睦，號雲庵，永嘉人。永樂中由鄉貢任泗州訓導。

應薦不偶途中作

淡日流輝到小航，夢回孤枕轉淒涼。
自慚燕石非真玉，還望并州作故鄉。
眼底交游皆楚越，胸中事業付衡湘。
思家未得平安信，目斷飛鴻去路長。

憶山東舊居

我有藏脩室，蕭然一磬懸。
短籬依曲徑，白石道清泉。
老鶴無人侶，

閑花只自妍如何羈薄宦吟傍楚江邊

又

菲屋東山下逶迤一迥深雖云無仗物聊足伴清吟身被微名縛
頭憐白雪侵何時遂歸隱携酒對雲岑

葉錫

字元圭號葵庵宣德庚戌進士任東吳知縣考課為天下第一賜宴陞宣國知府

元夕賜宴應制

銀燭通宵照五城

九重寒漏寂無聲樂從霄漢空中奏人在蓬萊宮裏行火樹光騰
春色好金蓮花映月華明小臣何幸陪清宴稽首歌詩頌太平

吳萬里 平陽人

杯羹嘆

秦皇虎噬亂人紀書灰未冷塵先起斬蛇年少真天英赤旗一舉

兵如雨項家粗豪劍滿腹買勇乘驄夜逐鹿鴻溝不作漢楚分格
闕存心恒自足太公陷身臨禹俎暗擬乾坤盡歸楚劉郎誓作萬
歲圖太度胡為忘父母是時號令當力爭忍言分我一杯羹假令
天意隨反覆至今漢水何由清覽茲撫卷重太息人生不學真無
術重華大孝老不渝萬古高風有誰識

老農

連朝山雨春風顛纖纖土毛生綠田壯男從軍守邊海阿翁哀老
畊寒烟懷哉古帝致仁治萬國銷金鑄銅器鹿門白首歌且謠笑
脫青衫典春醉

吳以耘平陽人

有感

凌晨啓明鏡兩鬢飛秋霜娟娟瑤樹枝秀隔崑山陽石上楚芳滿

采之為佩，纒東風，雁飛盡，尺素無由將。山蒼蒼，水茫茫，美人不來，空斷腸。

春思

閑來無處着春情，花影當窗亂。月明酒力乍消，風力細，玉簫偷按鳳凰聲。

葉義周號碧窓永嘉人

月夜泛舟

月色情鋪萬里秋，笑呼小艇泛中流。一天清氣生吟榻，萬頃寒光逼醉眸。已有風情如鑑水，却疑身世在瀛洲。隔城聽得笙歌奏，知是誰家倚畫樓。

周旋

字中規，號畏菴，永嘉人。正統間。

廷試為天下第一官。至

送張黃門往南畿

三五星未沒青驪駕言征籍籍祖道傍悠悠遠行程陽回雪初霽
春意忽已生黃門地清要彼此同恩榮求言在茲日况復須老成
勿謂君門遠不學葵藿傾往矣宜勉旃慰此惜別情

宿紫虛觀

薄暮遊仙館天低逼少微地偏人到少仙去鶴來稀遠岫收殘雨
深林翳落暉以因簪綬絆容與欲忘歸

送義士朱叔寬南旋

紫陽有雲孫世居松臺陰讀書不求官恥與時浮沉吾

皇君萬方恒以民為心夫何犬羊徒妄向邊陲侵

詔勅北府兵一鼓令就擒子懷天下憂重義不重金傾贊助邊餉
足馬行駸駸邊塵既淨掃愔然思故林故林渺何許遠在甌江海
嗟予忝同里誼托金蘭深相送出溧河判袂情難禁有懷須細論

有酒須滿斟明朝錦帆遠空對雲山吟

方士宜平陽人

井陽會友

南去雲陽驛匆匆愧授萍停車松下路呼酒柳邊亭雨漲春潮綠
山連曉岫青數聲啼鴉起偏動客邊情

劉翼字容直號古愚永嘉人

題陶穀小像

煌煌使者出金鑾南國君臣孰敢干畫得葫蘆依樣易贈之芍藥
傲情難韓家涼露先欺柳陶迎光風偶汎蘭誰謂一時些子清名
千古愧儒冠

薄薄酒

薄薄酒宜合歡粗粗布宜蔽寒先生弊廬真易安勝如何房宮室

高嶺屹先生團團旭日盤勝如驕其妻妾人乞瑤金谷瑤樓十二
闌章臺駿馬黃金鞍尔有命焉不可干吾非惡彼甘葶酸企焉不
及徒遠觀行焉不掩徒大言不如謹德無苟難平步進取方寸間
其他從天所降萬事皆等閒

春夕同王文育會陳怡珙宅用子直韻

冠蓋如雲集樽壘吐海寬月移花影轉風定燭光寒王璨詩方就
陳思興未闌夜深清不寐踏月共盤桓

章綸

字大經樂清人登正統第授禮部主事陞郎中景泰間極
言脩德辨災十四事忤旨下獄箠斃死會天變得少緩

英

比
廟復辟陞侍郎卒贈尚書諡茶毅

賀石都帥

蛇矛丈八奔先驅錦裘繡帽光陸離天河昨夜溢中駟桃花赤驥
風前飛江東坐鎮奇男子蒼鷹白鶴乘聽起風霜不得鶯花春腥

波却飲鯨鯢雨英雄膽氣空人間玉帳勳名當等閒好將滿月珣
弓手領取明年金印還

林補字珣龍進志齋永嘉人登正統第授翰林院編脩

送陳翰林致政

白髮老儒臣承 恩出

紫宸文章鶴國史詩律紹唐人湖海星霜久鄉關夢寐頻歸來應
在卽尊酒日相親

黃來字以載號大羅山人官至太常少卿文簡公次子

題竹送張廷評致仕

明月出東林照我青琅玕丹山有靈鳥啄食栖其間霜落海天碧
風生山迥寒歸來撫高節樂只以忘飡

題黃少卿養正所寫墨竹

采
石
州
少
卿
次
子
卷
之
五
後

我憶容臺卿共直，絃綸閣隨意寫湘雲。秋聲座中落，陰風吹龍沙。晤對久寂寞，含悽撫斯圖。精神宛如昨。

用韻答同遊諸友

綠水平臺外，東風一草亭。聊為滁守醉，不作楚人醒。雲露千峰碧，春歸四野青。吳歌何處發，謾倚舵樓聽。

寄廷瑞員外

罷直下，鸞坡離愁奈若何。燕雲天際盡，吳樹雨中多。潮送江聲去，雁將秋信過。不須論往事，強健且歌。

挽鮑處士

一自西山罷採薇，篋中塵滿芰荷衣。苔侵虛榻閑垂幔，花落空階自掩扉。滄海鶴歸沈曉月，赤城霞歛淡晴暉。懸知寂寞江天外，從此無人望少微。

送羅司務之南京

五月梅霖生嫩涼官河水添三尺強畫船撻頭向何處白鷺洲接
江天長鍾山青青石頭古龍盤虎踞真天府太平四海正為家翠
閣珠簾貯歌舞酒酣拔劍雙耳熱新亭莫歎江山別壯年努力事
功名一部網羅待提出

董璿

平陽人

宿遷八景

宿豫早春

淮陽昨夜東風早曉來吹綠平原草陌頭細柳鬱金枝萬戶千門
覺春好仙人試榮黎眉騎典衣沽酒來東家欲從何處訪春色南
園桃李開新花

洞晤清曉

天鷄飛上扶桑樹，
崕崕蒼翠連烟霧。
溪迴柳暗春花明，
行人彷彿桃源路。
我來采藥追仙踪，
排雲直到東南峰。
四顧茫茫海天濶，
乾坤萬里開雙瞳。

白鹿漁歌

平湖秋水清且閑，
長天影落蒼波間。
白鹿漁郎棹歌發，
荻花吹雪秋漫漫。
玻璃萬里浮空翠，
一葉中流不知處。
餘音裊裊天欲昏，
金烏飛下西山去。

蒼基蓮唱

蒼基水色明如鏡，
南風不動荷花靜。
蕩舟采蓮誰家姝，
荷花紅粉光相映。
菱歌清唱聲悠悠，
見人還復含嬌羞。
須臾日暮盪舟去，
郎君馬上空回頭。

龍泉夜雨

雷公夜半聲喧闐江中吐氣成飛泉腥風吹作半空雨簷花細落
空階前洒竹蕭蕭欲成雪竹屋寒燈漸明滅江南客子未歸來夜
深歌枕愁如結

馬陵秋月

西風捲地烟雲開海月飛上青天來六合茫茫夜如晝馬陵山下
猿聲哀將軍深入中山道誰憐白骨埋秋草英雄千載水東流長
見山中秋月好

草堰畊雲

堰頭夜雨開新晴田家父子勤春畊黃犢前驅疾如馬白波滿地
如雲生普天之下皆王土力田終朝豈辭苦西風他日值秋成禾
稼如山積場圃

梅村煮雪

梅村昨夜飛寒雪
梨花淡映梅梢月
花邊野客詩思清
折足鑄中
煮瓊屑功成九轉飛
丹砂須臾滾出黃金芽
七碗脩脩毛髮爽
乘風便到仙人家

方本易 平陽人

淇之水

淇之水清且深
銀蟾萬里開春陰
美人鳴笛于彼中
林青鸞飛舞
若虬吟宮商
極爽耳不似人間音
薄言聆之寶履我之心
淇之水流沄沄
翠光激灩浮湘裙
美人持竿釣于其濱
金鱗不食
思離羣好風天際來
吹上晴空雲薄言睇之
秋色何可分

荷花水鳥

記得當年過鑑湖
藕花深處浴雙鳧
眼前圖畫分明是
只欠扁舟載老夫

王賓字孟寅號起齋樂清人由鄉舉任武岡學正

過黃陵廟

水落湘江九曲東巍巍古廟屹西風重瞳久已迷丹轂二女今猶
儼翠容古砌草耐寒露碧平原樹帶夕陽紅停舟偶爾詢遺事吟
對巫山十二峰

登小姑

舟移彭澤渚遙度小姑山樓倚霜崖外鐘鳴水竹間浪花迎客棹
雲氣護仙壇乘興登臨罷天風雨袖還

金伯遜

平陽人

採蓮曲

妾家本在橫塘住畫橋楊柳門前路晚來喚取木蘭舟畫檝隨風
採蓮去向夜歸遲夫婿嗔妾前致語良有因採蓮不覺舟遠涉採

罷蓮房採蓮葉蓮房採得憐多子蓮葉團團擬相似

陳德慶字仲減號白雲山人永嘉人世居茗嶼

暮春自遣

春雨厭厭十日泥隔林長日叫山鷄溪頭新水綠初滿屋外垂楊
青未齊消日酒杯空有限關情詩句却無題小窓睡醒無餘事閑
理然相到日西

陳文字彥章號朴菴官至都指揮致仕有朴菴集

巖灘遇友對酌

幾年湖海別今日宦途逢對酒孤舟裏看山兩岫中水流莎草碧
花落釣臺空慷慨休辭醉人生幾會同

舟次富春埠下懷胡大叅拱之

宦遊湖海上幾度釣臺過積雨迷芳草孤舟泥碧波客程行處遠

雲樹望中多借問，淳安客興居近若何。

挽崔僉衛

轅門推老將，雙鑠氣如虹。一日豪華盡，平生事業空。凋弓懸夜月，寶劍掛西風。地下應無憾，承家有阿蒙。

挽江心黼上人

三年遊上國，一夢入南柯。欲和陽春曲，翻成薤露歌。影堂空海月，禪榻冷烟蘿。孤嶼亭前路，于今幾客過。

錢塘懷古次王大參韻

蒼莽殘碑字半畱，宮墻瓦落幾春秋。空山何處埋秦相，古廟于今祀岳侯。輦路草荒春寂寂，寢園雲瑣夜悠悠。凭高欲賦當年事，斜日長江起暮愁。

劉恒字孟貞號久菴永嘉人

過飛霞山哭幼子

愁過此山下見山添我愁哀哉四齡子竟作九泉遊拭目淚盈把
傷心玉一杯躊躇行且顧寒月上城樓

過大雲寺

此地經遊少前年過一遭遙遙城下路斷折寺前橋流水去何急
野花開護饒僧門斜掩半風雨正蕭蕭

陳鐸字文振永嘉人由舉人授學正陞紀善

錢塘寓館用韻寄趙荊州

海門一望接滄溟老我重遊鸞欲星人物已非前日態湖山還似
舊時青富壚越女空招飲隔浦吳歌不忍聽萬里程逢多寓館不
知誰是舊忘形

清江曲

風捲寒烟露渺茫，開蓬不省是何鄉。
光搖林樾經宵月，白暎蘆花隔岸霜。
口不絕歌遊冶子，身將忘世老漁郎。
相逢盡是紅塵客，誰識扁舟趣味長。

林天爵號樂善平陽宋步人文莊曾孫有滄浪集藏于室

獨步

百年誰秉燭，獨步忽聞砧。
蓮漏夜初永，桂林秋正深。
風吹池月皎，潮漲海峯沉。
老興休教盡，呼兒具淺斟。

黃璧字蕊圭號鑑湖永嘉人

次劉古愚寫懷韻

人生天地真浮漚，胡為長抱千歲憂。
不如且盡一樽酒，此心坦坦成天遊。
何須去曳王門裾，何須遠訪崑崙丘。
掀髯一咲不知老，世事與吾風馬牛。

葉挺字

號尚志永嘉人

春遊卽事

東風習習晝遲遲正是遊人適意時
吟杖謾循香徑入畫船還向
碧波移眼前佳景殊堪愛身外浮名了不知
山鳥也知春欲老飛鳴猶戀啜棠枝

周凱

字中律號學菴畏菴從弟

九山寺

一入山來塵夢醒松風瑟瑟水泠泠
遍尋舊迹摩苔碣謾寫新詩
寄竹亭翠羽鳥啼香積飯白頭僧誦石函經
陰雲忽送傾盆雨洗出峯巒分外青

陳純

初字希原號識菴永嘉人

題聽松樓

雙樹岩前舞翠蚪，瀑花飛雪下龍湫。
曉風吹瘦青山骨，中有聽松人倚樓。

黃琳字

號友竹樂清人

次韻荅芝田董司訓宣

君從鴈蕩來訪我，日卓午把酒友竹堂。
更上栖雲塢一日二日難為情，累觴三百不似數孤飛鳳鳥。
本無隣聚族鷄羣難作伍，口談風滿庭手揮雲出戶。
等閒吐出五色絲，熟謂令人不如古山林。
老我樽散材一字無能辯，魚魯醉來大咲發清狂。
是以不知足之蹈之手之舞。

雨中書懷

昨日花前醉綺羅，今朝枝上綠陰多。
江南天漏無人補，一夜雨添三天波。

葉怡盛 號梅莊永嘉人

贈劉兩柏

未接君儀範先聞君姓名自慚非李白何幸識韓荆忽作匆匆別
其如耿耿情明朝隔城市回首暮雲生

胡袍

字廷貴號竹雨瑞安人

暮春即事

淑氣蒸人卧起遲 暖風和日最相宜
屋頭笋長俄成竹石罅泉流
旋作池愁至每將詩自遣
髮斑誰謂藥堪醫無聊謬向榕陰坐閒
看纖鱗戲碧漪

閒居自述

家住青山水竹村幾憑烟雨送朝昏
二三千丈髮垂白五十四年
人哭孫老去應無龜繫肘喜來空有鶴填門
是非非是都休較且

倒春風酒一尊

布衾

不假黃紬製孤眠亦自安
溫柔同楚絮皎潔類齊紈
夜覺春雲暖冬忘白雪寒
幾回天欲曙猶自夢邯鄲

陳紀平陽人任訓導

輓宋步林信以

珍重林徵士令人有古風
生逢明盛世心與太初同
軒冕皆身外生涯付酒中
九原嗟不作老我恨無窮

東甌續集第七卷

能

能

能

能

能

能

東甌續集卷之八

趙閻字士悅號薇菴又號西池老人永嘉人

客中暮春

花自飄零水自流一春詩思冷於秋
長烟不隔還鄉夢濁酒難消
逆旅愁歲月無情羞倚劍乾坤有恨怕登樓
試攤書卷窓前讀却笑雷侯似絳侯

癸巳元日淫雨不止

寒雨厭厭白晝昏山城寥落似江村
輪蹄絕迹水平市鷄犬無聲
人閉門道在不勞玄德顧詩成賴有惠連論
百年天運知如此且醉春風老瓦盆

次韻復季弟拙菴

幽閒不用嘆嗟跼宦况無如野况多
一笛樓臺紅杏雨半竿風月

白鷗波換書羽客籠鷺至問字王孫載酒過幾度花前那復起醉
呼風月下松籬

柘溪道中

匹馬下林立天空宿雨收纔經陰港口又過日溪頭歧路悲行跡
風烟慘暮秋澆愁在何處青旂杏花樓

棠溪遇宗弟惟朝

寄倦棠溪渚相遇口惠連臨風解行李避雨就航船盍共晚涼洗
醉同秋被眠相看俱白首重會是何年

西池睡起偶成

池館西風作嫩涼曲闌干外木犀香水精簾動藤花落翡翠啣魚
過短牆

鄭繹字廷韶號

由舉人任九江府通判

和樊時登舟中韻

滄洲過雨青莎濕白鳥翩翩下危石惱入陌上花吹香濯足船頭
水流碧浪跡平生江海客幾度新豐醉浮白南歸拂鉢草堂秋魅
魅無聲萬山寂

題李氏得月樓

層軒俯澄淵環繞一蔽塞素魄朗中夜清輝凝四壁耿耿河漢橫
泠泠風露寂於焉擅幽賞靈臺共生白

挽陳處士

一枕遊仙夢悠然不復醒鄉關談舊德立隴刻新銘月照吟窓白
苔封釣石青不知千載鶴何日返東溟

東林寺

歇馬訪東林幽期遠夙心松聲雲際墮山色雨中深白日少人到

紅塵無自侵看碑出籬徑立傍虎溪岑

送董叔平膺貢之京

梅花蒲枝蒼昊晴呼酒送君江上亭
金門有日射三榮壁水暫
時披五經腰間劍氣夜騰紫鏡裏朱顏年尚青也知懷抱無芥蒂
一笑盡我雙玉瓶

任道遜

字立誠號八一道人瑞安人由神童官至太常寺卿

題山水小景

春霧不作雨曉來多在山野橋無客過古寺有僧閒水落沙平渚
潮來岸出灣近村舟一葉朝去暮仍還

又

春霧如雲白峯巒恣吐石野橋依岸穩田水落溪潭山掩前朝寺
林開何處村舟行一回首風景似桃源

泉川草堂為項尚莪題

山曉雨初晴草堂風日清
水流川作字仙去石畱名
延月發尊滿看花竹杖輕
不知城市裏夜半有人行

鮑思字元元號葵齋樂清人由鄉貢官至夷陵知州

東山草堂為趙東山作

孤館蕭然近翠薇
風吹綠映階
埤謝安起去門將合
姬旦歸來路不知
月出露華沾屐處
日高烟色入簾時
北窓卧覺詩情好
吟對薔薇有所思

述懷用劉解避昌韻

抱病山中度歲華
九重雲路望中賒
謀身計拙思屠狗
到手功成恐畫蛇
風細野花香在
再日高庭樹影參差
自從身掛青衫後
多少芳春不在家

陳大杲字彥素號良山永嘉茗嶼人白雲仲子

挽雲坡上人

一自離塵五十年春華秋月了無緣
于今脫却形骸去雲在空山
月在天

陳宣字以性號拙齋官至鎮江通判

題多景樓

九斗山南百天樓
一施藻繪自風流
四窓豈但塵無迹
一望可窮
天盡頭孤鷺落霞江上景
白雲紅葉檻前秋
主人邀我同清賞
醉何妨半日留

董衡字叔平號懸菴建安訓導

題山水圖

高人家住白雲隈
竹樹重陰石逕回
四顧仔山青
菴畫一泓新水

綠浮苔放歌人向花邊去問字船從柳外老我欲歸歸未得披
圖終日思徘徊

趙旺字士元號慧庵官至上林苑監典署

夜飲鑑湖書屋

岑樓高百尺淨倚鏡天開分榻連雲卧鈎簾待月來欲追王粲賦
莫惜杜陵杯薄莛八闌望天邊一鴈回

鍾清字景清瑞安人由進士官至福建布政

遊福清瑞岩寺

絕頂雲飛路百迴萬仙曾此作樓臺千年松桂山中老萬頃烟霞
海上開野鳥吟風穿樹入洞龍行雨出溪來昔人石上題詩去今
日烟籬鎖碧苔

鮑椿字良壽號復齋官至涿州守

九日和鄭廷韶韻

歸夢無時不到家此身猶自滯天涯
碧桐纔報新秋葉黃菊俄開
舊日花窠况蕭條聊自遣人情冷暖不須嗟
登高無復龍山興羞
對萸樽憶孟嘉

乙酉除夕

一年事到此宵殘戀闕思家寢未安
頭為微名牽到

又

寒暑各有分天地不能移人生亦如此窮達恒相隨君子適其性
居易貴無為小人逞智行險以自危

閑居

以役厭跋涉新歸喜幽閒苔徑鮮客至竹扉晝常闔初日放鷄犬
夕陽牛下山暫適不圃趣自覺甘豆簞

又

微雨過東園佳蔬日已長摘蔬寫新醅獨酌歌慨慷維時秋向深
天氣轉高朗鮮菊發芳叢敗籜落幽蕩情因物共適神與時俱爽
一醉有餘歡悠悠淨凡想

夜坐

夜靜風露涼蛙鳴一何恣但聞觸怒聲豈辨公私事喧喧亂更籌

曷能成鼓吹時物各有然投藥那可試

又

夜靜風露涼露坐舒炎氣奈彼蚊與蟲冥中恣窺伺難將有限膏
飽彼無窮嗜金風霎然來興格吾非計

寫景

春風已綠楊柳枝桃花杏花開參差黃鳥飛來叫屋
春雲低幽齋早起無一事凝立窻前初破睡晴簷
高樹慘淡

階雨積苔錢翳水漲池塘初一尋門外青泥三尺滑四山蒼翠濃
可掬暖風入戶香滿一
卷殘書不廢讀志在希賢匪干祿物和
景媚興悠然聊作新
寫幽獨

貧富謠

君不見東家十年前孔

登屋勢無天又
不見西家十年後東家

之物西家有一貧一富
不問富貴從來舞以守吾聞甕牖為公
侯又聞金谷成古丘陰
陽盈仄乃天道豈與西廢沉還浮我言如
不信請君看取水上

寫懷

竹定風初息衾寒亦有霜客居依佛地歸夢繞山房沽酒延殘臘
開窓納太陽相對一知己談笑意何長

道安卷

百畝禾田五畝園耕雲鋤雨度晨昏姓名不願登麟閣志業惟應
嗣鹿門每為移花開別徑偶因尋竹過前村箇中亦有堪垂統不
把危機累子孫

題扇贈趙高謙

水精窓戶碧泠泠玉宇風生翡翠屏教得阿兒調鳳瑄月明吹與

老龍聽

林彥字性斐號拙齋瑞安人有拙齋集行于世

豐湖會飲分得然字

載酒遊豐水垂竿拂紫烟榕陰斜蔽日波影倒涵天
避餌魚翻藻忘機鷗近船時平無一事獨雨興悠然

贈趙東山用朱蕩南韻

憶醉山翁綠野亭
來梧柳已成行江雲渺渺人
工天地茫茫
酒一觴龍卧每憐諸葛老
鳳歌誰識接與狂
可人
中夜窓前月猶
趁梅花入夢香

竹山以詩慰足立用韻答之

一春烟雨暗笙臺石逕
以然翳綠苔病正何人來
饋藥傷春有酒
且啣盃林泉自信無他
打冕應心是儒來今日風
天氣好擬

將蓬華為君開

黃傑

號草堂樂清人

謝墨池楊艾菴

茶棗

久別關西彥其如隔天涯
夢回殘月墮吟就夕陽斜
偶寄安期棗兼承陸羽茶
自慚無可報對物重咨嗟

朱美字從輝

樂州人號白龍山主人

葦湖卽事二首

湖水朝來已解冰
鴨頭新綠上莎汀
不知底下深多少
倒浸南山一半青

雨過東山列畫屏
淡雲斜日映沙明
牧牛童子未歸去
猶脫蓑衣晒晚晴

王由字秉瑞號夢竹陰陽正術

宿龍泉菴

偶入招提境如登鷲嶺西山高明月小天近白雲低聽法龍藏鉢
嚼花鹿過溪何當脫塵鞅來此共幽栖

汪詰字元壽號澗東瑞安人醫學正科

三峯道上作

凌晨發三峯肩輿度林杪溪流燕尾分山路羊腸遠一日尚遲遲

朔風何峭峭為此一官竊不覺令人老

杜整字思齊平陽人登咸化進士官至山東泰一福建布政

挽竹軒

竹軒久仙去不見小一過湖海交游少丘墟草樹多綵衣憐驥子

鸞鏡泣孀娥有德嗟無一可其如感慨何

黃琛

字蘊和號大羅

人永嘉文蔚公孫由委

官至大理

夏日偶成

睡起南窓日未斜，自籠紗帽煮新茶。
閒齋幾日無人到，開遍庭槐一樹花。

淵明圖

心事歸來只自知，虛名贏得酒兼詩。
誰言典午山河改，五柳依然似昔時。

東山草堂圖為趙東山題

草堂虛敞依青嶂，門逕迢迢蔭綠莎。
華蓋雨來雲拂戶，墨池春暖水生波。
書攤清晝鳥聲碎，簾捲晚風林影多。
今日長楊初獻賦，未應回首憶烟蘿。

青山白雲圖為吟川王魯菴題

朝對青山吟暮對青山，宿山禽清我耳。
山花娛我目，茫茫天地間。

偃仰情自足閒中日月長忙裏光陰促回首謝世人胡為自羈束
讀罷逍遙篇白雲滿空谷

陳朝明 號寄隱瑞安人

八十二齡

天上客乞歸林下十年餘一身澹泊惟甘節兩鬢蕭疎尚著書掛
壁有圖開太極蓋棺無夢返華胥從今門寂詩壇冷一淚那禁濕
布襦

黃方字嘉正永嘉人

贈周山人

身離黃塵已十年小
長伴白雲眠
碧桃花謝松花老
惟有青芝
滿石田

鮑偉字允玉上舍生

安人

遊山寺

此地人稀到苔封一
酒含笑出禪關
明懶雲低覆水
斜日半嘶山
仙暝鶴初睡

香銷僧未還無詩亦
九日宿丹崖驛
謝鄭大尹惠酒

蕭蕭風雨客丹崖
斜詩懷撥不開多謝江州
白衣來
下
內
慙
慙
又
遣

柳稽字文範號萬松山人瑞安人由神童官至
搖動石
舍人

誰將巨靈斧斫破崑崙洞有石亘古存豈止千鈞重
一人推却動安得海上槎載向
□□挽不回

□□貢

林亭字性端號吸川子瑞安人邑庠生

秋日客中即事

世態時時改秋光歲歲同
鶴眠松逕寂燕去畫堂空
水浸晴雲白山嶺落日紅
欲歸歸未得無語立西風

擬古

古人未全是令人寧盡非
讀書知古今陡然起群疑
胡為不飲酒飲酒樂有餘
萬事付一醉此外無所知

小景三首

萋萋芳草綠平原無數
人家隔遠村有約不來去
名 孟半窗疎雨

自黃昏

江上群峯列畫屏
江一猶有一茆亭
白雲飛盡松花老人與晚山

相對青

寂寂衡茅半掩關
一溪

水白鷗鷺浮雲似與幽人

終日依依

懶出山

趙祖冬字成夫號鶴

永嘉芝廩生

謝公亭

謝公今不作亭植大
心事往青山在盟寒白鳥沈古碑磨水影
高樹落秋陰登眺伴陽外長歌慨古今

寫懷

紉紉身如寄樽前按劍歌雨墻低覆竹風澗細搖波
年登得醉多清時當自勉未許問漁蓑
聞逢寒早

遊淨社寺

生薑門外古城隅小寺黃茆只一區僧為盡閒眠似死客因詩惱
坐如愚風塔掃葉堆還散烟際看山有若無休道夕陽低欲墜笑
呼明月照歸途

雨窓懷章可象

雨聲脩竹共蕭蕭酒醒青綾倍寂寥
世事不殊風裏燭新愁最怕
雨中蕉樽前玉雪人千里海角雲山夢
幾宵自咲近來貧到骨一身詩債豈曾饒

竹川別墅為金濟德題

竹川溶溶漾寒綠川上菲堂幾時築
石迳陰凝翠粉蒲團畫靜
青螭落主人愛此且吟青鞋踏破蒼苔深
風來環珮響何

童熱耳鈞天音有時擊井弄清泚沙鳥忘機不飛
魚釣得竹

枝穿自向床頭開綠
我來村南大阮莊登樓對此心即狂所聞

終不如所見便乘夜
山陰航
應之子年

章可象
字九儀樂法
十五即能詩

號天遊恭親公之孫方伯
二十而卒人咸惜之

題畫

海國天初霽群峰翠欲

九嶷春山

屋纏青蔓

江沙起白鷗杖藜何苦

又扶醉過溪

書白馬寺壁

久住山中寺烟霞聽
張乾坤皆寓舍丘壑豈吾鄉
蘿月禪心定
松風客夢涼
題詩謝山后高興薄穹蒼

白塔寺

野渡垂楊偶繫舟
上人邀我上方遊
斷碑無字埋青石
古殿侵田繞碧流
斜日向人猶戀戀
涼風吹鬢故颼颼
晚來茶罷尋歸路
一迳逶迤竹樹幽

次謝文卿冬日感懷韻

雨雪商量日日來
閉門清守地爐灰
梅花伴客寒相對
柳眼窺春半欲開
生計可營惟筆硯
壯懷堪寄只尊壺
何當飛上蓬萊去
不

惹人間半點埃

題山水

抱膝看雲坐石牀
瀑聲飛近意先涼
山靈不掌烟霞柄
付與詩家自主張

題小景

屋上青山屋下泉
屋頭芳樹淨如烟
世間有景真如我
欲移家

住幾年

布帆隨鴈落寒汀
河面涼風薄酒醒
亦屋幾村人

淡烟疎雨

一山青

東甌詩集後序

散

剛

情

詩文之在天下必有所
而後傳且有散漫遺逸於
百世之前而追亡補遺於千百
之後是皆關氣運之盛衰人
才之得失其敬也人物替其
華其也山川增其彩蓋一方
扶輿清淑之氣會而泄之於
人人之心是明靈秀之真又
會而泄之於手若珍異奇寶
之貨徒足以眩目而已是豈
可以不傳邪言

遠楛英撻華後之學者將取
以自淑又非若商賈售儲
麓惡以

潤盛美而已傳之不以其精
其可乎正德丁卯東甌之集
成東山

先生不寡於激命鄙言以屬
諸簡末激嘗觀季札來聘于
魯魯人

為之歌國風雅頌之詩因而
知風俗之美惡與夫先王德
澤之淺

深然則人心有所感而發於
法者其關係於世故者非小
矣故天

下形勝之地山川河海貨利
器物無不稱雄於一方又其
典籍無

存抗裂膚之寒則錦繡盈篋不如一褐之溫乘拍天之浪則蘭植
為舟不如一瓢之固然則諸賢之得遇於今日者又豈偶然事邪
知言君子必能察先生所以用心矣正德丁卯孟秋望後三日東
溟王敬拜書于鹿城書院

王九瑜刊

温州市图书馆

溫河市圖書館